

U skladu sa članom 52. i članom 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), članom 45. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ 37/05) i članom 54. stavom (3) Pravilnika za tarifnu metodologiju i tarifne postupke („Službene novine Federacije BiH“ 45/05 i 77/10), Regulatorna komisija za električnu energiju u Federaciji Bosne i Hercegovine - FERK

## OBAVJEŠTAVA JAVNOST

### **o podnesenim zahtjevima za pokretanje tarifnog postupka od strane Javnog preduzeća Elektroprivreda Bosne i Hercegovine d.d. – Sarajevo i održavanju formalnih rasprava**

Dana 28.01.2011. godine, FERK je od strane podnosioca zahtjeva Javno preduzeće Elektroprivreda Bosne i Hercegovine d.d. - Sarajevo primio:

- Zahtjev za pokretanje tarifnog postupka za djelatnost proizvodnje električne energije, primljen u FERK-u pod brojem 07-02-91/3/11
- Zahtjev za pokretanje tarifnog postupka za djelatnost distribucije električne energije, primljen u FERK-u pod brojem 07-02-92/4/11
- Zahtjev za pokretanje tarifnog postupka za djelatnost snabdijevanje električnom energijom prvog reda, primljen u FERK-u pod brojem 07-02-93/5/11

#### **Podnosilac zahtjeva**

Javno preduzeće Elektroprivreda Bosne i Hercegovine d.d. - Sarajevo je javno preduzeće koje je registrovano za obavljanje djelatnosti proizvodnje i distribucije električne energije, snabdijevanja električnom energijom, te djelatnosti trgovine, zastupanja i posredovanja električnom energijom.

#### **Prijem i obrada zahtjeva za pokretanje tarifnog postupka**

Postupajući po članu 52. Pravilnika za tarifnu metodologiju i tarifne postupke, FERK je pregledao zahtjeve i utvrdio da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke.

Na osnovu navedenog, FERK je uputio podnosiocu zahtjeva Obavještenje o nedostacima podnesenih zahtjeva za pokretanje tarifnog postupka za djelatnosti proizvodnje, distribucije i snabdjevanja električnom energijom prvog reda 24.02.2011. godine pod brojevima 07-02-91-01/3/11, 07-02-92-01/4/11 i 07-02-93-01/5/11 kojima je tražio od podnosioca zahtjeva da zahtjeve dopuni potrebnim podacima i dokumentima, u roku od osam dana od dana prijema tog obavještenja.

Dana 24.02.2011. godine u FERK je pod brojevima: 07-02-91-02/3/11, 07-02-92-02/4/11 i 07-02-93-02/5/11 primljen dopis Javnog preduzeća Elektroprivreda Bosne i Hercegovine d.d. - Sarajevo „Zahtjev za pokretanje 3. tarifnog postupka za djelatnosti proizvodnja, distribucija i snabdijevanjem I reda (DOPUNJENI)“ kojim je izvršena izmjena podnesenih zahtjeva za pokretanje tarifnog postupka za djelatnost proizvodnje električne energije primljen u FERK 28.01.2011. godine pod brojem 07-02-91/3/11 i za djelatnost distribucije električne energije primljen u FERK 28.01.2011. godine pod brojem 07-02-92/4/11, te su uz isti dopis dostavljene pojedine korigovane tablice priložene uz Zahtjev za pokretanje tarifnog postupka za djelatnost snabdjevanja električnom energijom prvog reda koji je primljen u FERK 28.01.2011. godine pod brojem 07-02-93/5/11.

Povodom primljenog Dopisa, FERK je 03.03.2011. godine pod brojevima 07-02-91-04/3/11, 07-02-92-04/4/11 i 07-02-93-04/5/11 podnosiocu zahtjeva uputio Zahtjev za informacijama, koji je podnosilac primio 04.03.2011. godine, a u kojem je od podnosioca traženo da u roku od osam dana od dana prijema tog zahtjeva, u FERK dostavi nedostajuću dokumentaciju.

FERK je 15.03.2011. godine pod brojevima 07-02-91-06/3/11, 07-02-92-06/4/11 i 07-02-93-06/5/11 primio od podnosioca zahtjeva dopis „Zahtjev za pokretanje 3. tarifnog postupka za djelatnosti proizvodnja, distribucija i snabdijevanje I reda (dostava dodatne dokumentacije prema Dopisu broj 07-02-91-04/3/11, 07-02-92-04/4/11 i 07-02-93-04/5/11 od 03.03.2011. godine)“ uz koji je dostavio dio tražene dokumentacije. U istom dopisu, vezano za ostalu traženu dokumentaciju, podnosilac zahtjeva dostavio je obrazloženje zašto istu nije u mogućnosti dostaviti.

U skladu sa članom 9. Pravilnika za tarifnu metodologiju i tarifne postupke, FERK će započeti treći tarifni postupak na osnovu podataka koje je dostavio podnosilac zahtjeva, a na dostavljanju sve tražene a nedostajuće dokumentacije, podataka i informacija, FERK će insistirati tokom tarifnog postupka, te može zahtjevati od podnosioca zahtjeva dostavljanje procjene istih, s tim da FERK zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

### **Osnovni elementi podnesenih zahtjeva**

Potrebni prihodi predloženi u zahtjevima podnosioca zahtjeva zasnivaju se na rashodima iz redovne poslovne aktivnosti u 2010. godini, podešenim na parametre planirane poslovne aktivnosti za 2011. godinu. Podaci koji se navode u tabeli u nastavku preuzeti su iz podnesenih zahtjeva i dopuna zahtjeva podnosioca zahtjeva, bez ikakvih podešavanja, komentara ili kvalifikacija od strane FERK-a.

Predložene su dvije varijante tarifnih stavova za prodaju električne energije nekvalifikovanim (tarifnim) kupcima Javnog preduzeća Elektroprivreda Bosne i Hercegovine d.d. -Sarajevo:

### Varijanta I:

TARIFNI ELEMENTI	JEDINICA MJERE	DNEVNI	Visoki napon 110 kV	Srednji napon		Niski napon						JAVNA RASVJETA
				35 kV	10 kV	DOMAĆINSTVA		OSTALA POTROŠNJA				
						I tar. grupa	II tar. grupa	I tar. grupa	II tar. grupa	III tar. grupa	IV tar. grupa	
1	2	3	4	5	6	7	8	9	10	11	12	13
MJERNO MJESTO KUPCA	KM		24,00	20,80	18,50	6,50	6,50	12,40	8,30	6,50	6,50	5,40
OBR. SNAGA	KM/kW/ mjesec		13,98	14,32	15,06	0,00	0,00	15,19	0,00	0,00	0,00	0,00
AKTIVNA ENERGIJA	p/kWh	VEĆI	9,80	10,74	12,15	16,67	18,71	12,98	21,97	16,67	18,71	15,72
		MANJI	4,90	5,37	6,07	16,67	9,57	6,49	10,98	16,67	9,57	15,72
PREKOMJERNO PREUZETA REAKTIVNA ENERGIJA	p/kvarh		1,00	2,14	2,68	0,00	0,00	3,22	0,00	0,00	0,00	0,00

### Varijanta II:

TARIFNI ELEMENTI	JEDINICA MJERE	DNEVNI	Visoki napon 110 kV	Srednji napon		Niski napon						JAVNA RASVJETA
				35 kV	10 kV	DOMAĆINSTVA		OSTALA POTROŠNJA				
						I tar. grupa	II tar. grupa	I tar. grupa	II tar. grupa	III tar. grupa	IV tar. grupa	
0	1	2	3	4	5	6	7	8	9	10	11	12
MJERNO MJESTO KUPCA	KM		25,30	20,90	18,60	6,50	6,50	12,40	8,40	6,50	6,50	5,40
OBR. SNAGA	KM/kW/ mjesec		13,98	14,32	15,06	0,00	0,00	15,19	0,00	0,00	0,00	0,00
AKTIVNA ENERGIJA	p/kWh	VEĆI	9,80	10,74	12,15	14,52	16,30	12,98	21,97	14,52	16,30	15,72
		MANJI	4,90	5,37	6,07	14,52	8,32	6,49	10,98	14,52	8,32	15,72
PREKOMJERNO PREUZETA REAKTIVNA ENERGIJA	p/kvarh		1,00	2,14	2,68	0,00	0,00	3,22	0,00	0,00	0,00	0,00

Podnosilac zahtjeva je predložio dvije varijante tarifnih stavova za korisnike distributivnih sistema Javnog preduzeća Elektroprivreda BiH d.d. - Sarajevo, a prijedlozi istih se nalaze na web stranici FERK-a, [www.ferk.ba](http://www.ferk.ba).

Prijedlozi novih tarifnih stavova ne sadrže sezonsko diferenciranje cijena. Zadržano je dnevno diferenciranje cijena za kategoriju domaćinstva. Za ostale kategorije i grupe potrošnje predložene su promjene u trajanju manje tarife, na način da se ukida manja dnevna tarifa između 13:00 i 16:00 sati, a utvrđuje manja tarifa za cijeli vikend (subota- nedjelja, 00:00-24:00 sata).

**Podnosilac zahtjeva je zatražio prosječno povećanje tarifnih stavova u varijanti I za 20%, a u varijanti II povećanje od 13%, te je predložio da se najveće poskupljenje električne energije odnosi na kupce iz kategorije domaćinstva i da se cijena poveća za kupce na 110 kV i kupce na 35 kV naponskom nivou. Kupcima na 10 kV naponskom nivou, kupcima kategorije ostale potrošnje I tarifna grupa i kupcima kategorije javna rasvjeta predloženo je zadržavanje istih prosječnih cijena, dok je za kupce kategorije ostala potrošnja II tarifna grupa, podnosilac zahtjeva predložio smanjenje prosječne cijene.**

### **Formalne rasprave**

U skladu sa članom 44. stavom (1) tačka a) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), podnošenjem zahtjeva za pokretanje tarifnog postupka za djelatnost proizvodnje, za djelatnost distribucije i za djelatnost snabdijevanja električnom energijom od strane Javnog preduzeća Elektroprivreda Bosne i Hercegovine d.d. - Sarajevo započeli su postupci formalnih rasprava u trećem tarifnom postupku po navedenim zahtjevima i postupak formalne rasprave po prijedlogu tarifnih stavova za nekvalifikovane (tarifne) kupce i tarifnih stavova za korisnike distributivnog sistema Javnog preduzeća Elektroprivreda Bosne i Hercegovine d.d. - Sarajevo. Postupci formalnih rasprava provešće se u skladu s odredbama Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine, a navedene formalne rasprave planiraju se održati u prostorijama FERK-a, na adresi Blajburških žrtava br. 33, Mostar, prema slijedećem rasporedu:

<b>Predmet formalne rasprave</b>	<b>Datum i vrijeme formalne rasprave</b>
<b>Proizvodnja električne energije</b>	<b>05.05.2011. godine sa početkom u 9:00</b>
	<b>06.05.2011. godine sa početkom u 9:00</b>
<b>Distribucija električnom energijom</b>	<b>09.05.2011. godine sa početkom u 9:00</b>
	<b>10.05.2011. godine sa početkom u 9:00</b>
<b>Snabdijevanje električnom energijom</b>	<b>11.05.2011. godine sa početkom u 9:00</b>
<b>Tarifni stavovi</b>	<b>09.06.2011. godine sa početkom u 9:00</b>

### **Kriteriji za sticanje statusa umješaća**

Zahtjev za sticanje statusa umješaća u postupku formalne rasprave po nekom ili po svim gore pobrojanim zahtjevima i/ili u postupku formalne rasprave po prijedlogu tarifnih stavova za nekvalifikovane (tarifne) kupce i tarifnih stavova za korisnike distributivnog sistema može uputiti pravno ili fizičko lice pod uslovom da pravovremeno podnese zahtjev za sticanje statusa umješaća i da ispunjava slijedeće

uslove: da ima direktan interes u postupku odobravanja potrebnog prihoda za neku ili sve gore pobrojane djelatnosti i/ili za odobravanje tarifnih stavova za nekvalifikovane (tarifne) kupce i tarifnih stavova za korisnike distributivnog sistema u vezi kojeg podnosi zahtjev za sticanje statusa umješača, a koji je različit od općeg javnog interesa, kao i da raspolaže podacima i činjenicama od značaja za formalnu raspravu u trećem tarifnom postupku koji se vodi pred FERK-om i/ili formalnoj raspravi po prijedlogu tarifnih stavova za nekvalifikovane (tarifne) kupce i tarifnih stavova za korisnike distributivnog sistema.

Zahtjev za sticanje statusa umješača treba sadržavati osnovne podatke o licu koje traži status umješača, kao i činjenice i dokaze da to lice ima direktan interes za učestvovanje u postupku. **Zahtjev za sticanje statusa umješača podnosi se do 04.04.2011. godine do 12:00 sati na adresu FERK-a.** FERK odlučuje da li je u zahtjevu za sticanje statusa umješača dokazan direktan interes i jesu li navedeni podaci i činjenice od značaja za formalnu raspravu u trećem tarifnom postupku i/ili za formalnu raspravu po prijedlogu tarifnih stavova za nekvalifikovane (tarifne) kupce i tarifnih stavova za korisnike distributivnog sistema u svakom pojedinačnom slučaju.

### **Javnost postupka**

Formalne rasprave su otvorene za javnost, ali u istim mogu učestvovati zaposlenici FERK-a, podnosilac zahtjeva i umješači.

**Druga zainteresovana lica mogu podnijeti pisane komentare na podnesene zahtjeve do 04.04.2011. godine do 12:00 sati na adresu FERK-a.**

Informacije o podnesenim zahtjevima zainteresovana lica mogu dobiti u sjedištu FERK-a, na protokolu, Blajburških žrtava br. 33 u Mostaru ili na web stranici [www.ferk.ba](http://www.ferk.ba). Svoje pisane komentare zainteresovana lica mogu dostaviti FERK-u na gornju adresu ili na brojeve faksa: 036/333 507, 036/333 508, odnosno na elektronsku adresu: [kontakt@ferk.ba](mailto:kontakt@ferk.ba).